



14. februar 2011

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. Meeqqat atuarfianni atuarnermi aamma allannermi sanngiitsut inuusuttut

ikiorserniarlugit tigussaasumik qanoq suliniuteqartoqarpa?

1b. Naalakkersuisut tamatumunnga atatillugu qinnuigaakka nalilersoqqullugu, atuarfiup inissisimanagera apeqquataatillugu assigiinngitsumik suliniuteqartoqartarnersoq.

Naalakkersuisut nalilerpassuk, assigiinngitsortoq, taava Naalakkersuisut qinnuigissavakka nassuiaqqullugu, assigiinngitsumik periuseqarneq qanoq iliorluni assigiissarniarneqarnersoq.

2. Naalakkersuisut pilersaaruteqarpat meeqqat atuarfianni atuartut naqinnernik ilisarinnissinnaanngitsut misilinneqartalernissaannut taamaaliornikkut ajornartorsiut siusissumik sumiissusersiniarlugu?

3. Atuartut atuarnermut allannernullu sanngiitsut qulingiluat efterskolimi inissaqartikkumaarlugit Naalakkersuisut aalajangernerata saniatigut, Naalakkersuisut qanoq pilersaaruteqarpat meeqqat inuusuttullu pineqartut ikiorserniarlugit ? Akineqarusunngilara martsimi ataatsimeersuaatigiin-neqassamaartoq, ataatsimeersuarnermi tassani inersimasut pineqartussaammata.

(Inatsisartunut ilaasortaq Andreas Uldum, Demokraatit)

Tunngavilersuut

Aallarniutigalugu Ilinniartitaanermit Naalakkersuisoq qutsavigerusuppara qularnanngitsumik pitsaasumik isumaqarluni naqinnernik ilisarinnissinnaanngitsut pilalugit apeqquqtainga akiniarsarisimmagu. Akissutilli tigussaannngitsutut isigaakka, taamaattumik aalajangerpunga qulaani allassimasunik apeqquqteqarniarlunga.

Pissuserissaarnissaq pillugu ulloq 10. januar 2011 apeqquqteqarninni tunngavilersuutikka uteqqippakka.

Tunngavilersuut:

Ullumikkut ajorluartumik, inuttaaqataasorpaalussuit ilinniagaqanngillat. Taakku ilarpassui



*ilinniasinnaangillat naammattumik atuartinneqarsimannginnertik aamma/imaluunniit
atuarnikkut ajornartorsiuteqarnertik pissutigalugu, ilaallutik naqinnernik takunnissinnaanngitsut.*

*Demokraatini pingaarluinnartutut isigaarput inuit ataasiakkaat inuiaqatigiillu ataatsimut pillugit,
kikkut tamarmik ingerlariaqqinnissaminnut ilinniagaqarsimanissaat. Taamaattumik
pingaarluinnarpoq, innuttaasut atuarnikkut ajornartorsiutillit eqqortumik ikiorneqarnissaat
piginnaaneqarnerulersillugit, taamaasillutik ilinniakkaminnik naammassinnissinnaanngortillugit.
Aningaasanut Inatsisit ukiumoortut aqutigalugit højskolit Piareersarfillu
tapiissutisitinneqartarput. Demokraatini naapertuuttutut isigaarput, tapiissuteqarnermut atatillugu
piumasaqartoqassappat. Højskolit Piareersarfillu ilinniartitaanerup iluani ilapittuutaasutut
isigaangut, qulakkeereqataasussat kikkut tamarmik ilinniagaqalernissaannut. Taamaasiornikkut
højskolit Piareersarfillu akuutinneqalersinnaapput naqinnernik takunnissinnaanngitsunik allanillu
atuarnikkut ajornartorsiutilinnik piginnaanngorsaanermi.*

Apeqqutit akeqquneqarput periarfissarititaasut ullut sulliviit qulit iluanni.